

辨證錄卷之六

山陰陳士鐸敬之甫號遠公又號朱華子著述

會稽陶式玉尚白甫號存齋又號

參訂

火熱症門

一陽明火起發狂腹滿不得臥面赤而熱妄見妄言人皆謂內熱之極也然而陽明屬土而不屬火何以火出於土謂是外邪之助乎既非暑氣之侵又非寒氣之變乃一旦火起以致發狂人多不解不知土中之火乃心中之火也心火起而陽明之火翕然而發陽明胃經乃多



氣多血之府火不發則已一發而反不可制往往捲土
而來火焰升騰其光燭天而旁且沿燒於四境有不盡
不已之勢非惟焚盡於胃而且上燒於心君不寧且
有下堂而走者神既外越自然妄有所見既有妄見安
能止其妄言此讖語之所以生也然則陽明之火乃內
因而成非外邪所致也治法宜與傷寒之狂傷暑之狂
俱不可同日而論矣然而陽明之火其由來雖有內外
之殊而治陽明之火其方法實無彼此之異必須急滅
其火以救燎原之勢而不可因循觀望長其火焰之騰

以致延燒各臟腑也方用人參竹葉石膏湯治之
五錢石膏一兩麥冬一兩竹葉二百片知母三錢
一錢糯米一撮水煎服一劑狂定再劑腹滿不能



病除而妄見妄言之症亦去矣不必三劑此方退胃火
之神劑也凡有胃熱之病用之皆宜然止可救一時之
急而不可瀉長久之火論理內熱之火既起於心宜瀉
心而反瀉胃者恐胃火太盛必致變生不測也蓋心火
不止不過增胃火之炎而胃火不止實有犯心火之禍
所以治心火者必先瀉胃也胃既瀉矣而後減去石膏

知母加入黃連一錢玄參一兩再服二劑不特胃火全
消而心火亦息也

此症用苦龍

湯亦神

地龍二十條搗爛苦參五錢水
煎服之一劑即止狂不必再服

熱病有完穀不化奔迫直瀉者人以為大腸之火也誰
知是胃火太盛乎夫胃火上騰而不下降胡為直下於
大腸而作瀉耶蓋胃為腎之關腎虛則胃之關門不守
胃乃挾水穀之氣而下行矣第腎虛為寒而胃何以反
能熱耶不知腎虛者水虛也水虛則火無所制而關門



龍雷之火下無可藏之地直冲於胃見胃火之盛亦其
相附會不上騰而下泄矣胃火既盛又得龍雷之火其
火勢更猛以龍雷之性甚急傳於大腸不及傳導故其
迫而直瀉也治法似宜先治腎矣然而胃火不瀉則腎

火斷不肯回但遠瀉胃火則胃土因火而崩胃水隨土
而洩又不能底止必須先健其土而分利其水則水清
而土可健火可安而龍雷之火亦易於收藏也方用緩
流湯茯苓一兩芡實山藥各三兩車前子五錢薏仁一
兩甘草一錢人參一兩五味子一錢此方無一味非健

土之藥又無一味非利水之品然利水之中不走其氣
下氣不走而土火自升矣况健土之品無非補腎之味
腎得補而真陰生龍雷之火自仍歸於腎臟腎火既安
則胃火失黨而胃土又健則水穀之氣更易分消自然
火衰而瀉止也

此症用滑苓湯亦甚效
滑石茯苓各一兩同研為末井水調服即止

一人有口乾舌燥面目紅赤易喜易笑者人以為心火熱
極也誰知是心包膻中之火熾甚乎夫心包之火相火
也相火者虛火也膻中為臣使之官喜樂出焉是膻中



乃心之輔佐代心而行其賞罰者也喜怒者賞罰之所
出也心內神明則賞罰正心內拂亂則賞罰移譬
人專擅借上之賞罰以行其一已之喜怒久則忘其為
下以一已之喜怒為在下之賞罰矣治法宜瀉心包之
火然而瀉心包必至有損於心心虛而心包之氣更虛
必至心包之火更盛不如專補其心心氣足而心包之
火自安其位何至上炎於口舌面目而成喜笑不節之
病乎方用歸脾湯人參三錢茯苓三錢炒棗仁五錢遠
志一錢麥冬三錢山藥三錢當歸三錢廣木香末三分



黃芪二錢甘草三分水煎調服一劑面目之紅赤減二劑口舌之乾燥除三劑易喜易笑之症亦平矣此方補心氣之虛仍是補心包之火何以火得之而反息也不知心火宜瀉以為補而心包之火宜補以為瀉心包之火旺由於心君之氣衰補其心而心包不敢奪心之權何敢喜笑自若僭我君王哉

此症用參朮二

仁湯亦效

人參茯神炒棗仁各三錢白朮五錢
遠志半夏各一錢砂仁二粒水煎服

一鼻中出黑血不止名曰衄衄乃心熱之極火刑肺金也

夫肺金爲心火所尅宜出紅血不宜出黑血矣得母氣
爲腎火之刑母乎夫腎爲肺金之子安有子殺其母者
然而黑血實腎之色也心火太盛移其熱於肺而肺受
火刑必求救於腎腎惡心火之尅母乃出其全力以制
心而心已移熱於肺矣腎卽隨火而奔入於肺怒心火
之肆惡併力以相戰肺無可藏之地腎卽逐血而出於
鼻紅血而變爲黑色真有不共戴天之仇焦頭爛額白
日俱昏者矣治法單瀉心中之火不必瀉腎中之水蓋
火息而金安金安而腎水何至與心相鬪哉方用救蟻

丹黃連二錢丹皮三錢茯神二錢麥冬五錢玄參一兩
生棗仁三錢生地三錢柏子仁一錢水煎服連用
黑血卽止四劑不再卽此方制心火之有餘不損
之不足腎見君火之衰肺金之旺則報仇之恨已泄復
國之謀已成自然返兵旋旅何至竊寇之再追哉或謂
心君已爲腎子所蟻則心氣必傷宜急瀉腎氣毋使
追奔爲是何反瀉心以助其虐耶不知腎水原非有餘
不過因肺母之難故奮不顧身因心火之起釁而轉伐
腎子非理也况方中雖瀉心火而正未嘗少損心氣名

爲瀉心而實補心也不過少解其炎氛以泄腎子之憤

而火即解矣且腎有補而無瀉何若瀉心火之爲得哉

此症用生地冬苓湯

麥冬生地各二兩黃芩三錢水煎服

一人有熱極發斑身中如紅雲一片者人以爲內熱之極

而外發於皮膚矣孰知此熱鬱於內而不能外發之故

乎此等之病寒熱之藥兩不宜施夫火熱宜用涼藥內

火未有不從外泄者但火得寒則又閉微火可以寒解

而盛火不可以寒折往往得寒涼之味反遏其外出之

機閉塞而不得泄有成爲發狂而不能治者若用熱藥



投之則火以濟火其勢必加酷烈欲不變為亡陽而不可得矣治法必須和解為得第火盛者水必衰徒解其火而不益之以水未必火之遽散也宜用補水之中行其散火之法則火無乾燥之虞而有發越之易也方用風水散斑湯玄參二兩當歸二兩荆芥三錢升麻一錢生地一兩水煎服一劑斑少消二劑斑又消三劑斑全消此方玄參補陰以解其浮遊之火當歸生地以補其心胃之血多用荆芥升麻風藥以解散鬱熱則火得水而相制亦火得風而易揚全無瀉火之品而已獲瀉



火之效實有深義耳

此症用化雲湯亦神

黃連三錢當歸一兩玄參二兩升麻二錢水煎

一熱極發斑目睛突出兩手冰冷此心火內熱所謂

害也而不知又有肝火以助之耳夫熱病宜現熱象何

反見寒冷之證乎蓋火極似水耳熱極於心則四肢之

血齊來救心轉無血以養手足故手足反寒如冰之冷

者外寒之極實由於內熱之極也至於目睛突出者肝

開竅於目而目之大眦又心之竅也心火既盛又得木

中之火相助則火更添焰而炎上所以直奔其竅而出



但目中之竅細小不足以暢泄其火怒氣觸睛故突而
出也治法宜瀉心火而更平肝木木氣既舒心火自散
方用風水散斑湯加減而症自愈也玄參一兩當歸
兩黃連三錢荆芥三錢升麻三錢白芍一兩生地五錢
水煎服此方加白芍黃連以黃連瀉心火而白芍平肝
火也又得荆芥升麻引羣藥共入於腠理之間則上下
四旁之餘熱盡消且不至遏抑其火有經絡未達之虞
此方補多於攻散火而不耗損真氣庶幾有既濟之美
也

此症用玄丹升麻湯亦神效

玄參半斤丹皮三兩升麻三錢水煎一碗一劑飲

一熱極不能睡熟日夜兩眼不閉人以爲心腎不交

之故誰知是水火兩衰之故乎夫心火最畏腎水

而又最愛腎水之生蓋火非水不養也腎水又最愛心

火之生而又最惡心火之燒蓋水非火不乾也是心腎

相愛則相交心腎相惡則相背求閉目而神遊於華胥

之國自不可得矣治法補其心中之液以下降於腎補

其腎中之精以上滋於心并調其肝氣以相引於心腎

之間俾相惡者仍至相愛則相背者自相交矣方用引



交湯熟地麥冬各一兩炒棗仁山茱萸沙參各五錢茯
神三錢玄參五錢白芍二兩炒梔子三錢菖蒲破故紙
各五分水煎服連服二劑卽目閉而酣睡矣此方
雙補而平其肝氣以清木中之火蓋肝火瀉則心火自
平腎水亦旺勢必心氣通於肝而腎氣亦通於肝也心
腎旣通於肝而又有菖蒲以引心破故紙以引腎介紹
同心自能歡好如初重結寤寐之交矣

此症用水火兩滋湯亦效

熟地三兩肉桂二錢芫絲子一兩水煎服

人肝火內鬱結而不伸悶煩躁急吐痰黃塊者人以爲

火鬱宜達也然達之而火愈熾此乃未嘗兼肝腎而用
治也夫肝木有火火鬱而不宣者雖是外邪蒙之方
內無水以潤之也木無水潤則木鬱更甚倘徒用風
以解肝中之火不用潤劑以蔭肝中之水則熬乾肝血
而火益盛矣倘徒用潤劑以益其肝中之水不用風劑
以舒其肝中之火則拂抑肝氣而鬱更深矣鬱深則煩
悶於心火盛則躁急於腹欲其痰涎之化得乎治法舒
其肝以解火復補其腎以濟水自然鬱結伸而諸症愈
也方用肝腎兩舒湯熟地立參各一兩茯苓三錢白芍